



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCII. ad annum CCCCXXX.

**Parisiis, 1644**

II. Quod sancti Augustini vitam & doctrinam magni semper fecerit sedes  
apostolica.

**urn:nbn:de:hbz:466:1-14918**

pliceret. Merito namque causa nos respicit, si silentio fa-  
ueamus errori. Ergo corripiantur huiusmodi. Non sit his  
liberum habere pro voluntate sermonem. Desinat, si ita  
res sunt, incessere nouitas vetustatem, desinat ecclesia-  
rum quietem inquietudo turbare. Conantur sæpe nau-  
fragio mergere, quos intra portum stantes statio facit fida  
securos. Fida quippe est omnium statio, quorum perfe-  
ctis gressibus vestigia non mouentur. Recurrerunt ad  
apostolicam prædicti sedem, hæc ipsa nobis quæ tentat  
perturbatio conquerentes. Habetote, fratres carissimi,  
pro catholicæ plebis pace tractatum. Sciant se, si tamen  
censeantur presbyterii dignitate, vobis esse subiectos.  
Sciant omnes qui male docent, quod sibi discere magis  
ac magis competit, quam docere. Nam quid in ecclesiis  
vos agitis, si illi summam teneant prædicandi? Nisi forte  
illud obsistat, quod non auctoritate, non adhuc ratione  
colligitur, vt aliqui e fratum numero, nuper de laico-  
rum consortio in collegium nostrum fortasse admissi, ne-  
sciant quid sibi debeant vendicare. Super his multa iam  
dicta sunt eo tempore, quo ad fratri Tuentii dedimus  
scripta responsum. Nunc tamen repetentes sæpius admo-  
nemus, vt vitentur huiusmodi, qui laborant per terras  
aliud, quam ille noster iussit agricola, seminare. Nec ta-  
men mirari possumus, si hæc erga viuentes hi nunc tenta-  
re audent, qui nituntur etiam quiescentium fratum me-  
moriā dissipare.

## II.

Augustinum sanctæ recordationis virum pro vita sua  
atque meritis in nostra communione semper habuimus,  
nec unquam hunc sinistræ suspicionis saltem rumor ad-  
spersit, quem tantæ scientiæ olim fuisse meminimus, vt  
inter magistros optimos etiam ante a meisdecessoribus  
haberetur. Bene ergo de eo omnes in commune senserunt;  
vt pote qui utique cunctis & amori fuerit, & ho-  
nori. Vnde resistatur talibus, quos male crescere videmus.  
Nefas est hæc pati religiosas animas, quarum afflictione,  
quia membra nostra sunt, nos quoque conuenit macera-  
ri: quamuis maneat hos beatitudo promissa, quicumque  
probantur persecutionem propter iustitiam sustinere.  
Quibus quid promittat Dominus in futurum, sequens

sermo declarat. Non est agentium causa solorum, quando vniuersalis ecclesia quacumque nouitate pulsatur. Intelligamus hæc ipsa vobis, quæ nobis non placent, disdiscere. Quod ita demum probare poterimus, si imposito improbis silentio de tali re in posterum querela cessaerit. Dominus incolumes vos custodiat, fratres carissimi.

## N O T A E.

*[Epistola.]* Cum occidentalibus ecclesiæ, auctoribus quibusdam Gallia presbyteris, S. Augustini commentarios aduersus Pelagianos editos temere fugillantibus, vehementer turbaretur, scriptisque contrariis S. Prosperi Aquitani nondum acquiescerent, idem S. Prosper cum collega Hilario Arelateni episcopo ad Cælestinum Romanum pontificem profectionem instituit, qui ambo apud eumdem studiosæ egerunt, ut huiusmodi nugatoribus ora (quod par erat) obstrueret. Cælestinus igitur, qui haud pridem ad dubitationes aliquas literis Tuentii episcopi consultus plenissime scripsérat, putans illa sufficere potuisse; cum modo rursus presbyteros obstrepare relatione Prosperi & Hilarii percepisset, ad episcopos, in quorum ecclesiis illi presbyterio fungebantur, hanc epistolam scripsit. In hac redarguit eos, quod ipsis tacentibus finant in ecclesia presbyteros loqui, cum abique episcopo nihil illis concessum sit de doctrina presumere. Post hæc inculcata, S. Augustinum laudat, eiusque scripta contra Pelagium & Cælestium approbat. Adiungit etiam quædam capita aduersus Pelagianos errores, a prædecessoribus pontificibus & Africanis Conciliis decreta, eo fine, ut quid contra Pelagium & Cælestium tenendum sit, cognoscatur. Addit, non scripto tantum, sed etiam apostolicis traditionibus Pelagianam hæresim in ecclesia refutari. Nam dum pro infidelibus, paganis, Iudeis, hæreticis, schismaticis, lapsis & catechumenis orare consuevit, eo ipso aperte profitetur, illos absque diuina gratia ad salutem, accessum habere non posse. Dumque rursus spiritus nequam a proxime baptizandis per exorcismos & exsufflationes abiguntur, ipso facto declarat ecclesia, humanam naturam a peccato originali corruptam esse, & a satana occupatam, indigere Dei gratia ut liberetur. Huius epistole S. Prosper aduersus Collatorem, cum magna ipsius laude meminit, his verbis: *Per hunc, Cælestinum, intra Gallias istis ipsis, S. Prosperi qui sanctæ memoria Augustini scripta reprobant, maleloquentia est adempta libertas, quando consultationum actione suscepit, & librorum, qui errantibus displicebant, pietate laudata, quid oporteret de eorum autoritate sentire, sancto manifestauit eloquio, &c.* Photius in bibliotheca de hac epistola ait: *Scriptit quoque ad episcopos Galliarum de fide S. Augustini.* Vincentius Lirinensis aduersus hereses cap. vlt. hanc eamdem epistolam plurimum laudat: scribit enim illam tanti ponderis esse, ut ad omnes hæreses euertendas satis sufficiens esse possit. Baronius anno 431: num. 184. & sequentibus.

Cælestinus  
presbyteros obstre-  
pentes re-  
prehendit.

Quæ seorsum supra pag. 471. edita sunt, eo quod Cælestini non sint.

S. Prosperi  
de Cælesti-  
no senten-  
tia.